



## The North American Council of Somali Imams

September 8, 2013

Waxaa maanta kusoo gaba gaboobay Masjid Abuubakar ee Minneapolis **shirkii 12-aad** ee Golaha Imaamyada Soomaaliyeed ee Waqooyiga Ameerika, shirkaas oo socday **September 6-8, 2013**. Shirka sanadkan ayaa looga haldlay arimo badan oo ay ka midyihiin sidii loo hormarin lahaa dacwada iyo dadaalka ay wadaan maraakista islaamiga ah ee Soomaaliyeed, iyo sidii ummada Soomaaliyeed ee qurbaha joogta loogu dhiira galin lahaa sidii ay diintooda ugu dhaganaan lahaayeen, iyo arimo kale.

- 1- Waxaan ugu baaqaynaa ummada Soomaaliyeed meel kasta oo ay joogaan, gaar ahaan Qurbaha, alle ka cabsi, iyo inay adkeeyaan Midnimadooda iyo wada jirkooda, sidoo kale waxaan ku baaqaynaa in la qaato wadooyinka lagu gaari karo, midnimmada iyo wadajirka ummada, sida; a) In wixii khilaaf ah lagu dhamaysto wadahadal, b) is afgarad, c) heshiis iyo isu tanaasul.
- 2- Waxaan ugu baaqaynaa ummada Soomaaliyeed inay wada ilaashadaan Maslaxada guud ee ka dhaxaysa sida; Dal, Diin iyo dadba. Waxaan si adag ugu baaqaynaa ummada Soomaaliyeed inay qabsadaan kitaabka illaahay, iyo sunnada nabiga (scw) ayna dhaqan galiyaan shareecada Islaamka, maamul iyo shacaba.
- 3- Waxaan ugu baaqaynaa Jaaliyada Soomaaliyeed ee ku nool qurbaha, gaar ahaan maraykanka inay hamigooda koowaad ka dhigaan siday u illaashan lahaayeen, Diintooda, dhaqankooda islaamiga ah, luuqadooda, iyo inay xil gaar ah iska saaraan bar baarinta ubadkooda iyo badbaadindoonata.
- 4- Waxaan ugu baaqaynaa qoysaska Soomaaliyeed ee Qurbaha inay illaahay ka baqaan guryahana ku dhaqaan sharciga Islaamka, isla mar ahaantaana khilfaad kooda ku xaliyaan si waafaqsan shareecada islaamka, si ilmahooda aysan gacan shisheeye ugu dhicin baylahna aysan u noqon. Sidoo kale waalidiintuna inay guurka fududeeyaan taasoo arimo badan gaashaan u noqon karta.
- 5- Dhalinyarada waxaan ugu baaqaynaa inay illaahay ka baqaan kuna xirnaadaan Culimmada iyo maraakista Islaamiga ah, kana digtoonaadaan inay ku dagmaan fikradaha guracan sida; kuwa Al-Shabaan. Sidoo kale dhalinyarada wiilal iyo gabdhaba, gaar ahaan qurbaha, waxaan ugu baaqaynaa inay guurka u dag dagaan, kaasoo xayndaab ka noqonaya ficilo aan cawaaqibtooda la mahidin.
- 6- Waxaan ummadda soomaaliyeed in ay ka digtoonaadaan fitnada qabiilka ee baabi'say dal iyo dadba in kabadan labatan sano. Waxaan kaloo ugu baaqaynaa dhamaan ummada Soomaaliyeed Maamul, Madax, shacab iyo odayaal dhaqanba inay illaahay uga baqaan Diintooda iyo dalkooda, kuna heshiiyaan jiritaanka qarankooda, si aysan fursad u siin faragalinta shisheeye, iyo baa'ba ummadooda.
- 7- Waxaan dhamaan ummada Soomaaliyeed ugu baaqaynaa inay dareemaan muhiimada ay u leedahay Xawaaladu, iyo saamaynta ay ku yeelan karto bushada iyo dhaqaalaheeda hadii la joojiyo.
- 8- Ugu danbayntii Golaha imaamyada Soomaaliyeed ee Waqooyiga Ameerika, wuxuu ugu ducaynayaa dhammaan ummada Soomaaliyeed meel ay joogaanba in illaahay dalkooda u dajiyo, dowlad caadi ah shareecada ku dhaqdana illaahay siiyo, qalbigeedana isu soo dumo.

Gudoomiyaha Golaha Shuurada  
Sh. Abdirahman Sh. Omar